



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 75. Balduinus III. Rex Hierosolymæ.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæcul. XII.

A.C. 1142.

Soluto Concilio Albericus Legatus, cum non esset, quod Antiochiæ ageret, Hierosolymam rediit, ubi expectato Paschali tempore, tertia post Festum Resurrectionis die, solemni ritu Ecclesiam Templi dedicavit, permultis nobiles tam cis quam transmarinis, ac inter alios Joscelino juniore, Edessæ Comite, præsentibus. Collectis deinde Episcopis ceterisque Prælatibus Legatus in Ecclesia montis Sion, quæ omnium Ecclesiarum Mater habebatur, Concilium celebravit, cui interfuit Catholicus Armeniæ, nempe Episcoporum in illa Gente Primas. Cum eo de nonnullis Fidei Articulis actum, in quibus Armeni a Doctrina Catholicorum deflectere videbantur; Primas ista se emendaturum esse ex parte promisit. Hoc quoque Concilio ad finem perducto, Legatus Romam reversus est.

Sup. lib.
LXIV. §.
47.

§. LXXV.

Baldwinus III. Rex Hierosolymæ.

6. 27.
Lib. XV. c.
1. 2. 3.

Haud diu post Fulco, Rex Hierosolymæ, cum in agris Acriensis civitatis leporem insectatur, tam infelici casu ex equo terræ allisus est, ut Spiritum reddere coactus sit, trigesima Novembris, anno millesimo centesimo quadragesimo secundo, postquam regnasset annis undecim. Ejus corpus Hierosolymam relatum in Ecclesia S. Sepulchri conditum est. Successit

cessit vero parenti Balduinus III. tredecim annorum puer, qui in Nativitate Domini eodem anno in conventu Optimatum & Præsulum a Guilielmo Patriarcha Hierosolymitano coronatus, annos viginti quinque sceptrum tenuit. Unacum ipso coronam accepit Melisenda mater, quæ dum filius adolesceret, ad clavum sedit. Illo temporis intervallo, nempe a morte patris usque ad inaugurationem filii, Edessam, alio nomine *Rubam* obsedit *Atabec-zengui*, Princeps in Oriente omnium potentissimus, favente occasione, cum Joscelini atas gerendo bello impar esset, atque inter ipsum & Principem Antiochenum discordia glisceret, usus. Hunc in urbe *Mosul* residentem Barbarum Scriptores nostri *Sanguin* nominant. Elapso exinde biennio nempe anno millesimo centesimo quadragesimo quarto vigesima septima Sept. e vita decessit Guilielmus Patriarcha Hierosolymitanus, anno Pontificatus sui decimo quinto. Ei subrogatus est Fucherus, tertius Latini ritus Archiepiscopus Tyriensis, vigesima quinta Januarii anno millesimo centesimo quadragesimo quinto ad Sedem Hierosolymitanam translatus, quam tenuit annis duodecim. Ut ei Successor in Ecclesia Tyriensi eligeretur, in eadem Ecclesia Conventus celebratus, Rege juvene, Regina matre, Neo-electo Patriarcha, & Episco-

Sæcul. XII.
A.C. 1142.

c. 45.

Guil. Tyr.
XVI. c. 17.
Sup. lib.
LXVIII.
p. 14.

Sæcul. XII. A.C. 1142. Episcopis Sedis Tyriensis Suffraganeis præsentibus. Sed divisa erant suffragia. Quippe Pars eorum favebat Rudolpho, Regis Cancellario, ex Gente Anglorum, viro literato, & specie haud vulgari, Regi, Reginae & proceribus caro, sed moribus ad sæculum magis quam ad Episcopatum factis. Pars altera ejus electioni adversans, ad Papam appellavit, Fucherio Patriarcha, Joanne Pisano Archidiacono Tyriensi, postea Cardinali, Bernardo Episcopo Sidoniensi, & Joanne Episcopo Berytensi, præcipuis auctoribus. Quibus non obstantibus Rudolphus Cancellarius vi adhibita Ecclesie Tyriensis possessionem arripuit, quam annis duobus tenuit.

§. LXXVI.

Scripta Constantini Chrysomali damnantur.

*Leo Allat. de
Conf. II.
c. II.*

Constantinopoli Leo Stypiota Patriarcha, mense Majo, Indictione tertia, ut verisimile est, anno millesimo centesimo quadragesimo Concilium celebravit, cui Metropolitanæ undecim, Archiepiscopi duo, cum Ministris Imperatoris, interfuerunt. In hoc Concilio Decretum editum, in quo Patriarcha summam dicit: *Quibusdam Monachis ex Cænobio S. Nicolai reverentibus comperi, Constantini Chrysomali defuncti Scripta apud eos superesse, quæ perlecta magni scandali causa extitissent, quod*
multa